



საჯარო სამართლის იურიდიული პირი
სოციალური მომსახურების სააგენტო

ბ რ ძ ა ნ ე ბ ა



KA030449924942617

04-59/ო

07 / თებერვალი / 2017 წ.

2017 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2016 წლის 30 დეკემბრის N638 დადგენილებით დამტკიცებული 2017 წლის ჯანმრთელობის დაცვის სახელმწიფო პროგრამის N9 დანართის (დედათა და ბავშვთა ჯანმრთელობა) ფარგლებში, მიკროელემენტების შემცველი საკვები დანამატის მოსარგებლეზე გაცემის წესის განსაზღვრის შესახებ

საქართველოს ზოგადი ადმინისტრაციული კოდექსის 61-ე მუხლის, „2017 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2016 წლის 30 დეკემბრის N638 დადგენილებით დამტკიცებული 2017 წლის ჯანმრთელობის დაცვის სახელმწიფო პროგრამის N9 დანართის (დედათა და ბავშვთა ჯანმრთელობა) მე-9 მუხლის მე-15 პუნქტის „გ“ ქვეპუნქტის, საქართველოს შრომის, ჯანმრთელობისა და სოციალური დაცვის სამინისტროს 2017 წლის 6 თებერვლის N01/6931 წერილის და საქართველოს შრომის, ჯანმრთელობისა და სოციალური დაცვის მინისტრის 2007 წლის 27 ივნისის N190/ნ ბრძანებით დამტკიცებული სსიპ-სოციალური მომსახურების სააგენტოს დებულების მე-4 მუხლის საფუძველზე,

ვ ბ რ ძ ა ნ ე ბ ა :

1. განისაზღვროს “2017 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2016 წლის 30 დეკემბრის N638 დადგენილებით დამტკიცებული 2017 წლის ჯანმრთელობის დაცვის სახელმწიფო პროგრამის N9 დანართის (შემდგომში - დედათა და ბავშვთა ჯანმრთელობის პროგრამა) მე-3 მუხლის „ზ.დ.“ ქვეპუნქტის (6-23 თვის ასაკის ბავშვთა უზრუნველყოფა მიკროელემენტების შემცველი საკვები დანამატით „სოციალურად დაუცველი ოჯახების მონაცემთა ერთიან ბაზაში” რეგისტრირებული იმ ოჯახებისათვის, რომელთა საარსებო შემწეობის მისაღები ზღვრული ქულა არ აღემატება/ან ტოლია 100 000-ს) ფარგლებში შესყიდული საკვები დანამატის (შემდგომში - მიკროელემენტების შემცველი საკვები დანამატი) გაცემის და მიწოდების წესი, შემდეგი პირობების შესაბამისად:

ა) მიკროელემენტების შემცველი საკვები დანამატის მიწოდების წესი ავთიაქზე:

ა.ა) სახელმწიფო შესყიდვის შესახებ ხელშეკრულების ფარგლებში სამკურნალო საშუალებების საქართველოს ეკონომიკურ საზღვარზე გაფორმების, ტრანსპორტირების, შენახვისა და გაცემის მომსახურების განმახორციელებელი უზრუნველყოფის კონტრაქტორი ავთიაქებისათვის (რეგიონალური და რაიონული მასშტაბით) მიკროელემენტების შემცველი საკვები დანამატის და მიკროელემენტების გამოყენების ინსტრუქციის მიწოდებას;

ა.ბ) მიკროოლეუმენტების შემცველი საკვები დანამატის აფთიაქებისათვის, როგორც პირველი ისე ყოველი მომდევნო მიწოდება ხორციელდება მიკროოლეუმენტების შემცველი საკვები დანამატის არსებული მარაგების საერთო რაოდენობიდან გამომდინარე, აგრეთვე კომპონენტით მოსარგებლე ბენეფიციარების მიმართვიანობისა და დედათა და ბავშვთა ჯანმრთელობის პროგრამების შესაბამისი კომპონენტის შეუფერხებელი რეალიზების გათვალისწინებით, სსიპ სოციალური მომსახურების სააგენტოს (შემდგომში - სააგენტო) ჯანმრთელობის დაცვის პროგრამების დეპარტამენტის მიერ.

ბ) მიკროოლეუმენტების შემცველი საკვები დანამატის გაცემის წესი აფთიაქიდან კომპონენტით მოსარგებლეზე:

ბ.ა) მიკროოლეუმენტების შემცველი საკვები დანამატის მიღება შეუძლია „სოციალურად დაუცველი ოჯახების მონაცემთა ერთიან ბაზაში“ რეგისტრირებული ყველა იმ ოჯახის 6-23 თვის ასაკის ბავშვებს, რომელთა საარსებო შემწეობის მისაღები ზღვრული ქულა არ აღემატება/ან ტოლია 100 000-ს;

ბ.ბ) აფთიაქიდან მიკროოლეუმენტების შემცველი საკვები დანამატი გაიცემა ერთჯერადად ექვსი კოლოფის (180გ=180 პაკეტი) ოდენობით, მიუხედავად იმისა, თუ რა ასაკობრივ პერიოდშია ბენეფიციარი (6-23 თვე);

ბ.გ) აფთიაქიდან მიკროოლეუმენტების შემცველი საკვები დანამატი გაიცემა „სოციალურად დაუცველი ოჯახების მონაცემთა ერთიან ბაზაში“ შესაბამისი ქულით რეგისტრირებულ 6-23 თვის ყოველ ბავშვზე, რომელთა ოდენობა ოჯახში შესაძლოა იყოს ერთზე მეტი, თითოეულზე ექვსი კოლოფის ოდენობით;

ბ.დ) მიკროოლეუმენტების შემცველ საკვებ დანამატთან ერთად, გაიცემა მიკროოლეუმენტების გამოყენების ინსტრუქცია, სადაც დეტალურადაა გაწერილი საკვები დანამატის მიღების წესი;

ბ.ე) მიკროოლეუმენტების შემცველი საკვები დანამატის გაიცემა მოხდება ბავშვის დაბადების და ოჯახის სრულწლოვანი წევრის პირადობის დამადასტურებელი მოწმობის (დედანი და ასლი) წარდგენის საფუძველზე, სოციალური მომსახურების სააგენტოს სპეციფიკური მედიკამენტების აღრიცხვა-გაყვანის ელექტრონული ბაზის მეშვეობით, რომელშიც პირადი მონაცემების შეყვანისთანავე, ავტომატურად ისახება, არის თუ არა პირი „სოციალურად დაუცველი ოჯახების მონაცემთა ერთიან ბაზაში“ რეგისტრირებული, შესაბამისი ქულით და ასაკობრივი კატეგორიით.

2. დაევალოთ:

ა) სააგენტოს ჯანმრთელობის დაცვის პროგრამების დეპარტამენტს (ვ. ჩხარტიშვილი):

- ა.ა) ადმინისტრირება გაუწიოს ბრძანების შესრულებას;
- ა.ბ) უზრუნველყოს:

ა.ბ.ა) სამკურნალო საშუალებების საქართველოს ეკონომიკურ საზღვარზე გაფორმების, ტრანსპორტირების, შენახვისა და გაცემის მომსახურების განმახორციელებელის ინფორმირება წინამდებარე ბრძანებით გათვალისწინებულ საკითხებზე და მოთხოვნის შემთხვევაში, მისთვის კონსულტაციის გაწევა, რომელიც გაავრცელებს მიღებულ ინფორმაციას თავის კონტრაქტორ აფთიაქებში;

ა.ბ.ბ) მიკროოლეუმენტების გამოყენების ინსტრუქციის მიწოდება;

ბ) სააგენტოს დირექტორის აპარატს (ნ. ჩანადირი), უზრუნველყოს წინამდებარე ბრძანებისა და მისი დანართების განთავსება სააგენტოს ოფიციალურ ვებ-გვერდზე (www.ssa.gov.ge).

3. ძალადაკარგულად გამოცხადდეს “2016 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2015 წლის 30 დეკემბრის N660 დადგენილებით დამტკიცებული 2016 წლის ჯანმრთელობის დაცვის სახელმწიფო პროგრამის N9 დანართის (დედათა და ბავშვთა ჯანმრთელობა) ფარგლებში, მიკროოლეუმენტების შემცველი საკვები დანამატის მოსარგებლეზე გაცემის წესის განსაზღვრის შესახებ” სსიპ სოციალური მომსახურების სააგენტოს 2016 წლის 13 სექტემბრის N04-472/ო ბრძანება.

4. წინამდებარე ბრძანების ამოქმედებამდე პერიოდში მიკროოლეუმენტების შემცველი საკვები დანამატის მოსარგებლეზე გაცემის წესთან დაკავშირებით განხორციელებული ნებისმიერი ქმედება რეგულირდებოდა “2016 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2015 წლის 30 დეკემბრის N660 დადგენილებით დამტკიცებული 2016 წლის ჯანმრთელობის დაცვის სახელმწიფო პროგრამის N9 დანართის (დედათა და ბავშვთა ჯანმრთელობა) ფარგლებში, მიკროოლეუმენტების შემცველი საკვები დანამატის მოსარგებლეზე გაცემის წესის განსაზღვრის შესახებ” სსიპ სოციალური მომსახურების სააგენტოს 2016 წლის 13 სექტემბრის N04-472/ო ბრძანების შესაბამისად.

5. ბრძანება ძალაშია ხელმოწერისთანავე.

სსიპ – სოციალური მომსახურების სააგენტოს
დირექტორი, საქართველოს შრომის,
ჯანმრთელობისა და სოციალური დაცვის
მინისტრის მოადგილე



ზაზა სოფრომაძე